

江

西

詩

徵

江西詩徵卷十二

南城曾燠賓谷編輯

宋

黃符

符字信叔金谿人紹聖中進士讀書過目成誦父慶基初欲以任子奏符願自試竟登第時初立宏詞科又冠其選仕至秘書郎

黃華姑巖

鐵色陰崕積石屯玉頽穹宛鎮崑崙上池降液行靈響左角承雲出曉暾手抉風雷穿月窟坐當星斗直天門昔人政有懷仙地爲挹清泉注一尊

詩詞集
卷二
曾紓

紓字公袞南豐人布子以蔭補官入元祐黨籍紹興二年除直顯謨閣知衢州自號空青先生有集

戲作冷語

萬山雲雪陰霾空千林霧濛水搖風凜河徹底連三冬
平曉獵嶠雨中十二律呂相與宮安得此候疎煩鶴

江越軒書事

臥聽灘聲瀟瀟流冷風淒雨似深秋江邊石上烏桕樹一
夜水長到梢頭

竹閒嘉樹密扶疎異鄉物色似吾廬清曉開門出負水日
行小舟來賣魚

宣州水西作

杖藜出郭一水近石磴古路穿松筠萬仞絕壁倚天末百
折驚灘當寺門泉聲飛下錦繡谷殿影挿入玻璃盆宣州
水西天下勝閬州城南何足論

寧國道中

渡水穿橋一徑斜潦收溪足露汀沙半川雲影前山雨十
里香風晚稻花異縣悲秋多客思豐年樂事屬田家故園
正好不歸去滿眼西風吹鬢華

客愁

客愁如繭絲一攬成萬緒秋風不可奈又到庭前滿秋風
自有時客愁了無期不如飲美酒誦我山中詩

趙 晟

暟字又若本杭人紹聖中進士累官直龍圖閣提舉江州太平觀過江寓信州玉山因家焉

奉和姚仲美蠟梅

陽和都未見芳菲初喜寒苞發故枝絕色負無朱粉態
香寧許燕鶯知凝愁金谷登樓日斂黛溫泉賜浴時寫作
新聲傳玉笛誰人持向月中吹

黃大臨

大臨字元明分寧人庭堅兄紹聖中龍泉令

貢荳詩寄魯直

手把齊民種薄書莎衫臺笠事耘鉏更栽醉竹餘千首存

遼辰瓜滿百區早秫旋春嘗
麴蘖新梁炊熟自樵蘇日西
杖屨行山口招得鄰丁作飲徒

黃叔達

叔達字知命分寧人庭堅弟

行次巫山宋楙宗遣騎送折花厨醞

攻許愁城終不開青州從事斬關來喚得巫山強項令折
花傾酒對陽臺

上南陵坡

風食水宿六千里蛇退猿啼百八盤上得坡來總歡喜摩
園依約見峯巒

題小猿叫驛

大猿叫罷小猿啼
筭裏行人白晝迷
惡藤牽頭石齧足
嫗兒隨淚陸續我亦下行莫啼哭

向子諲

子諲字伯恭臨江人敏中元孫欽聖憲肅皇后再從姪元符初以恩補官高宗朝歷徽猷閣直學士知平江府尋致仕號所居曰薌林

題王文孺臘菴

仙翁五十鬢猶青
高卧柴門晝亦扃
茅舍已忘鐘鼎夢
蒲輪休過薜蘿亭
陰森門巷先生柳
寂寞江天處士星
晚歲田間農事了
閑鈔甯戚相牛經

題薌林

莫問清江與洛陽山林總是一般香兩家地占西南勝可
是前人例姓楊

題米元暉橫軸

早爲山谷印可晚陪帝所清閑筆力休論扛鼎神功更解
移山

向日家居道士今朝碧落仙鄉胸次山高水遠筆端雲起
風狂

宋 褒

褒字世德南豐人軾子元符三年進士歷官虔州
法曹屯田員外郎建炎初卒

和曾密公江樓詩韻

太史聲名重江樓昔有言詩清排屈宋意古挹羲軒飛棟
蒼雲谷窺魚白羽翻臺高繫水府氣爽返梅魂市遠風埃
潔川映草木繁滄浪初出日瓠落可浮樽曲岸疎帆影枯
槎隱燒痕秋容天漠漠春意雨昏昏地易規模在碑新典
則存溪山重入座先哲豈虛論

汪藻

藻字彥章德興人崇寧二年進士高宗朝官兵部
侍郎兼侍講拜翰林學士出知外郡卒職居永州
卒以脩徽宗實錄功追贈端明殿學士有浮溪集

桃源行

祖龍門外神傳壁方士猶諦仙可得東行欲與溪門親咫

尺蓬萊滄海隔那知平地有青雲只屬尋常避世人關中
日月空萬古花下山川長一身中原別後無消息聞說胡
塵因感昔誰教晉鼎判東西郤媿秦城限南北人間萬事
愈堪憐此地當時亦偶然何事區區漢天子種桃辛苦求
長年

避地西亭野步

今日幸無雨天空出遙岑行行不知疲遂至春江渟汎路
轉籬落人家在桑陰平疇漲清波隴麥如人深溝畎戲鳬
鶩新蒲映浮沈我生本樵漁對此諧初心風物豈不好悲
來自能任憑塵暗中原四海如驚禽黃屋狩萬里兩宮隔
晨昏龍移蝶蠢窺月晦蟾蜍侵宇宙有顛覆茲遊豈囓嵌

銷憂賴酒醕大息誰能斟

過臨平

一別九霄路風烟長滿衣已成身老大無復世輕肥天澗
鳥雙下山寒人獨歸曉來何處雨春水滿簾扉

睡起涼生岸鉤簾坐小窓麥風能起忙梅雨不鳴江往事
心常折歸塗影自雙依然滿柳地人老故先降

春日

一春畧無十日晴處處浮雲將雨行野田春水碧于鏡人
影渡傍鷗不驚桃花嫣然出籬笑似開未開最有情茅茨
烟暝客衣溼破夢午鶯啼一聲

題張資政汝川圖

澹巖書堂

昔人曾此結精廬故老猶傳井臼餘今代子房來卜築要看圯上一編書

多寶院

每尋疎磬訪支郎苔竹交陰杖屢旁絲履飄巾聊取用風流不減贊公房

金石臺

花光連接兩臺春中有眠雲跋石人莫使鞭笞鸞鳳去時來重現宰官身

懷賢菴

履綦行處日蒼蒼輦輶深藏月一開已辨此身同法喜不

應臨感更難裁

題江南春曉圖

忽從林杪見朝暉
釋嶠孤雲半欲飛
何惜扁舟并畫我
要從海際望春歸

題大年小景

忽驚坐上江天渺
半幅鵝溪寫霜曉
風低黃蘆潮欲到
平沙無人喧宿鳥
向來著眼應萬里
開卷尺餘那盡了
須知王孫寄筆力
平日氣吞雲夢小
故將點綴調兒輩
不待淋漓翻墨沼
膝王蝶蝶往誰並
曹窩驛贈今已少
坐令好事費百金
題几短屏橫軸繞
君家此本傳幾世
勝客見之先絕倒
江頭歷歷舊行處
好在魚磯落寒潦
浮家汎宅歸去

來還看飛鴻臥林杪

士人買妾旣而疾以詩戲之

但知瓊樹門清新不道三彭接有神處仲未聞開閣事維
摩空對問禪人封侯燕領何妨瘦伐性蛾眉卻怕鬢從此
空花掃除君定須嚼蠟向橫陳

賦琴高魚

南川萃南州水族何磊砢其間琴高魚初未列楚些豈堪
陪薦鮮裁用當肴果土人私自珍千里事封裹遂令四方
傳嘵嚼亦云頗俗云琴高生控鯉宛溪左靈蹤散如烟遺
犧尚餘顆向來騎鯨人逸駕嘗慕我不應當時遊反用此
么麼得無效齊諧怪者記之過彭越小如錢蹤跡由漢禍

越王載王餘變化更微瑣因知天地間人莫窮物夥區區于其中臆決蓋不可僞真吾何知且用慰頤朵

郊邱書事

琅輿深出未央門十里圜壇氣象尊珪璧三千周典備貔貅百萬漢兵屯青城浮靄連霜動黃道微風帶日溫不用靈光符聖武從來精祲答乾坤

隆祐太后挽詞

慶源由魏國奉祀及宣仁盛德儀中盡私恩絕外親長秋期不老厚夜忽無晨來歲柔桑綠誰臨蘭館春

嗣漢遐征後南州倣擾時人心憂社稷天意歸簾帷擁佑千齡主歸向萬世基中興能事畢條與帝鄉明

題張公明賞晴軒

只將春暖賞春晴東坡詩也
取以名軒公明文定之孫

端居有何好名與勝會并人生豈長閒天宇不屢晴邂逅
風日佳一醉萬事輕君家大父客詩如九韶鳴浮春散無
垠攬取造物驚坐令綠野堂炭築睢陽城風流被三世諸
郎未慙卿閑軒著尊酒報答千花明飲罷遣客休仰空看
雲行是中有佳處遑恤身後名寧爲秋雨歎更作秋蟲聲

題伯禹給事漫吾亭

人生天地間同一幻泡影偶然相值過便有人與境那知
兩皆漫直寄彈指頃古來賢達士物我均土梗程侯東南
俊自少忠義秉周旋正色地四海憚嚴冷立朝二十年憤
世欲生瘞班雖近日月志則在箕穎中年拂衣歸絕意向

鐘鼎擇幽成小築勝會已獨領清寒把湍瀨秀色攬諸嶺
聊將不羈身對此無餘景回首無溪老便覺加數等從渠
春風顚那得到古井高詞出胸臆妙處如灌頂讀龍眷攀
籠悠然發深省

徽州班春古巖寺呈諸僚友

揆日奉明詔班春出孤城和風遞鼓鼙細雨迷旆旌渺渺
度阡陌谿山照人明幽花不孤芳好鳥相應鳴隴麥已爭
秀畦英亦微萌食新知有期及我荆瘵氓古寺依絕壁林
端列飛甍殘僧四五人靜若無所營石室廣百肘嵌空自
天成泉甘與茶宜就挹巖下清伏櫪肆遐矚歸雲入簷櫑
數農前致辭貌野意則誠茲幸枉冠蓋使君覺無情頻年

苦饑虛奚用恤此生守昔在閭里先疇每躬耕起家三絕
餘謬添符竹榮無術布寬大低頭愧鰥惄願言同撫綏承
絕愁歎聲

阻溪漲宿諸暨縣上省院

暑寒倦行役依投得禪關空堂納清風坐見香霏還積涼
共天遠高僧與雲閒傳聞扁舟人宿昔廬茲山姝者已千載
諸峯高煙叢當時功名成止在談笑間今豈無國士辰遊一何艱憑高望行朝小雨猶斑斑

病中偶成

衰病乃其理移牀臥南軒雖懷飲冰憂賴有清賞存春去芳草積蘿生滿庭萱花房向夕歎似與吾忘言數蝶亦多

態差差傍叢叢客來同一欣何必臨芳樽常恐秋節至
霜質其根吾生尚悠悠爾安足論

聚山閣爲吳氏題

緣江故多峰秀色無可據何須著脚力政欲長在眼詩翁
築飛閣似恨山意懶縱橫數州碧收拾付酒醕客來何所
命濯濯千髻綰晴風入肺腑寶睡落碑版翁家誠可樂人
境雨蕭蕭散爐香侷趺坐終日對編簡風流前輩接細說鬚
自挽居然典刑在聽者輒忘返會須營一壑萬事等鵬鵠
從翁時對榻臥看煙雨晚

寄余仲誠

千巖雪齊消煙日暖春事端憂昧佳辰即獨宿松下幸達屋

泉雨鳴焚香戶深閨殘僧荷鋤出幽鳥不庭戲將期道心
復敢懷棲遁志起望君家雲風清鴈成字

汴中放船歸陽羨

流澌欲作環珮鳴枯木未肯回春聲舟人坐恐雪爲祟嬌
鶴又舞天邊城天公知我不足厄乞與十日霜風晴遙遙
煙堤護玉鏡滉滉雲海浮金鉢攬衣坐數踵間息闌見字
宙無餘情燈花也似調兒女咄咄笑我長宵征我生底處
不堪著未歸且雜吳兒耕縱無鄰翁飲子美會有稚子迎
淵明仙山况聞蓮洞壑餌朮或可求長生閒中日月吾所
有此外付之人重輕

從人乞酒

張侯表表霜松立嗜酒清狂如故習長年種秫學淵明門
外溪流和月汲手調溪上百花乳十日煉成冰雪汁糟牀
夜聽秋雨注詩腸曉放春風入飽聞誇說未會見但笑書
生便飲濕爾來消渴臥江海更似枯魚過河泣傾家餉客
古人事坐着兵廚子斛給那知日飲無骨相咫尺公榮殊
不及西風昨夜到林杪左手蟹螯行可執新醅早晚定堪
斟凍蠻浮釭應戢戢心知問字寂寥久會遣鳴鞭馳送急
呼兒洗盞酌先酒爲君快作長鯨吸

喜汪發之兄訪并簡婺源江明府

怪底青燈繳玉蟲忽傳車馬到溪東鳥聲應爲故人好梨
雪欲將春事空老夫淵明三徑在病來彌勒一龕同總持

相見問生死爲報百憂如夢中

醉書

尊前和雨唱陽關紅燭熒熒照夜闌酒醒夢回山月小水
雲無際鴈聲塞

卽事

燕子將雛語夏深綠槐庭院不多陰西窗一雨無人見展
盡芭蕉數尺心

雙鶯能忙翻白雪平疇許遠漲清波鉤簾百頃風煙上臥
看青雲載雨過

次韻何子應七月十八日書事

寄語江鷗莫浪猜先生愛汝水潔涸自從楚國靈均後幾

箇鑒人到此來

臥看山色懶扶輿擬櫂扁舟學釣魚誰似湘流知我意秋
來三得道州書

古鏡行

我有辟邪鏡得之咸陽宮其陰爲天池一母將九龍旁書
負圖字土蝕如旋蟲緘以駭雞珍妙極倕之工請言照遠
近十里秋毫空豈不鑒脂澤所貴肝膽通問誰爲此器太
古非人功客聞重歎息意欲窺靈蹤高臺不辭倚恐客難
稱容繩窮匣半啓四室來悲風日車當晝畱羞澁如頑銅
森然髮上指稟若臨霜鋒我還撫客手此豈世寶同揮淚
兩無言掩鏡壁囊中

宿焦山方丈

明發理烟艇歎言濟遙岑盤渦沸風雨稍辨鐘磬音行行
並疎柳迎客多幽禽扶輿上攀確始見江湖深臺殿明海
色嵌空憶龍吟修廊延客步妙香慰人心遐眺未云極千
巖忽秋陰孤月欲生嶺諸天悉浮金茲遊信奇絕况接支
道林夜語不知旦虛窓對橫參人間驚毫末物外雄窺臨
稽首悟真理微生安所任蒼崖有奇字霜乾約重尋

同張昌時宿高明寺

幽卧不知覺窓懸寒日初別伊夜來雨谿聲到吾廬故人
挽我出忽枉天際書躋險敢自休青山轉盤輿相逢竹間
寺共擷園中蔬殘僧誰在亡奄忽十載餘茗果話疇昔新

晴報鐘魚東雷亦已鳴百草苕穎舒奈何與之子齒髮日夜疎翁此不能發牽衣更踟蹰明朝各回首世事將焉如

次高郵軍

小雨靜林麓鶲鵠相應鳴移舟漾清深薄晚荷氣生歸鳥盡雙去潛魚時一驚菰蒲若無人渺渺炊煙橫艇子楫迎我攜魚薦南京月出殊未高疎林隱微明依沒會有處斗掛天邊城

阻風兩岸邪渡寄王仲成

渡頭急雨鳴森木木杪顚風飛大屋沒腰寒水稻生芽滿眼青泥車折軸山行值雨舟值風窮愁日日煩天公不如歸卧洞壑旅世事不埽春煙空別君兩年重此別喜君暫

次渾冰雪擬將身作賈胡留無奈事如空鳥滅挽我不回
君怒嗔交情把玩轉清新相隨百里還相見只有西山似
故人

庚午歲屏居零陵七月二十日以門掩候蟲秋爲韻
賦五首

幽人獨夜時潮落西川根渡口櫓聲急一江煙雨昏城頭
短長更不寐聽譙門趺坐數千息焚香待朝暾

暑退涼亦收瀟湘淨如染時觀自跳魚衝破青碗琰纖纖
初弦月不受薄雲揜近村應漸寒已有鴉數點

人生幾聰明日夜隙駒驛纔經花信風又過麥秋候吾非
金石堅與世相邂逅胡爲聞鐘鳴更歷路傍堠

家山在何許渺渺彭蠡東人來數月程衣敝補道中昨宵
青燈花似墜釵頭蟲兒饑女沉綿歲晚書未通

人言閭閻者一日如三秋孤臣昔放逐七見天星周早滲
高門地姓名記前旒如何天鷄星不照湘南州

次韻向君受感秋

且欲相隨苜蓿盤不須多問沐猴冠菊花有意浮杯酒桐
葉無聲下井闌千里江山漁笛晚十年燈火客氹寒男兒
幾許功名事華髮催人不少寬

向侯挂笏意千里肯爲俗彈頭上冠何時盛之青瑣闈外
語付以烏絲闌日邊人去雁行斷江上秋高楓葉寒向來
叔度黨公是一見使我窮愁寬

壽寧川驛壁

過眼空花一餉休，坐狂猶得佐名州。
雖遭灑吏嗤韓子，却喜溪神識柳侯。
盡日野田行穢穢，有時雲嶠聽鉤輶。
會將新濯滄浪足，踏遍千巖萬壑秋。

宿鄧侯鎮

當時踏月此長亭，鬢似河堤柳色青。
今日重來堤樹老，一簪華髮戴寒星。

微涼初破候蟲秋，露草螢光已不流。
搔首與誰論往事，星河無語下城頭。

過吳明叟新居

誰開大屋沉沉者，門外垂楊拂車馬。
主人四十持節歸高

臥綠陰啼鳥下冥冥一徑傍花入忽有青池照深夏魚吹落日知鏡淨荷受微風看珠瀉夫君少有湖海氣手掣長鯨無地跨故將能事驚世人坐向雲端差萬瓦稍培幽桂出窓底時放青山來竹鱗人言此興極不淺天遣公忙那肯救要須更作輞川圖他日思歸聊對畫

晚發吳城山

風掃陽侯雪陣平雨催摩詰畫圖成氣吞浦澈重林盡秋著江湖去鳥明厚祿故人無一字長年三老伴餘生會須滿意開懷抱到眼廬山不世情

己酉亂後寄常州使君姪

汾水遊仍遠瑞池宴未歸航遷新廟主矢及近臣衣塞馬

窮天孽邊烽斷日畿百年還海地回首忽成非

龜山上方

度險逢幽處憑誰寫壯懷連甍棲絕壁孤塔表長淮地本吳楓接山今禹績皆潮聲從殷寺竹影自翻墻木杪朱欄出城坳雪浪埋乾坤迷枉渚霧雨泄陰崖丹葉經寒在蒼洲向晚佳魚龍宵聽唄猿鳥晝窺齋月滿蠶珠實霜清磬石諧僧孟收柏子樵徑掃松釵左宦書無鴈南烹菜有鮑風煙欺短髮雲水信殘骸竟作何鄉老虛慚素尚乖江湖今在眼歸合辨青鞋

醉別季高侍郎

嘗昔追隨翰墨場功名今日愧劉郎英姿合上凌煙閣巧

譜曾遭偃月堂雙槳又乘清夜去一樽聊發少年狂歸來却共燈花語騎省看成滿鏡霜

蔡天任韻

脩廊過午夕陰合蝴蝶滿庭春草長呼兒更捲簾數尺要放晚晴升屋梁

曾開

開字天遊贛縣人準子幾之叔兄崇寧二年進士歷官權中書舍人建炎初累遷禮部侍郎兼直學士院忤秦檜出知徽州卒

李伯紀丞相挽詩

先帝收多士惟公發妙年清班依日月讌諭薄雲天終領

高名重來扶大業全誰提太史筆臣主頌俱賢
太上初傳祚安危俛仰間從容回萬乘指顧復三關漠北
塵沙迴閩中日月闊誰知千載後遺恨在燕山

追數中興相公居第一人初期從北狩寧料久南巡此事
勞明主他年憶舊臣東都朝萬國不復見簪紳

一別睢陽後風霜十五年勞生俱老矣流涕獨潛然丹鼎
秋來就心燈半夜傳定應真不死歸卧白雲邊

王 宋

宋字輔道一字道輔德安人韶子崇寧中進士官
校書郎翰林學士兵部侍郎宣和中以左道爲林
靈素所陷棄市

同劉元靜遊嵩山峻極中院作

爛紅一點出浮漚夜坐嵩峯頂上頭笑對僧憲談祖德當
年七十四回遊

浪花

一江秋水浸寒空漁笛無端弄晚風萬里波心誰折得夕
陽影裏碎殘紅

張擴

擴字彥實一字子微德興人崇寧中進士官秘省
校書郎充館職南渡後爲中書舍人有東窗集

次韻大年姪兒贈古詩

人生幾何時心地要平曠不須意外求辛苦尋蕪野此郎

有高處智出百夫上禪窗接輭語肩宇眷蓋蓋詩壇久失
律齋戒欲謀將誰專筆陣功定起太公望

君文春秋水篇曲士羞臆度吾文元尚自窮老甘寂寞向來
失宗盟士氣日卑弱後生苗未秀况復病草惡如君真挺
特文字獸一角頭風吾何憂解后當勿藥

次韻周嘉仲刑曹簡航師食筭

籜龍參不得託根暫神奇忽化清淨供結緣貪導師回甘
溢齒頰常帶泉石滋要知服食功不減瓊田芝
此君淡難交挺挺如立玉何意昆仍中爲人償口腹羣嬰
脫錦褓珍勝齒項肉猶堪作味諫沒齒蠲腊毒

長櫬太寡恩斲喪東南美至今管城封濫罰及辱子例求

一赦貨餘潤乞松髓周旋南董手罵賊到盧杞
周郎清而臞菜把助嚴苦榮中玉離離醞冰雪語向來
幾詩亡徑欲就君補請讀食筭篇微言皆可咀

送次公姪從辟顏拱衛軍中

結髮事師友投身翰墨場技成忽棄去短衣親戎行平生
萬卷書豈無活國方不如日擊賊對面用所長顏侯將家
種勇過王鐵槍發弧每先登裂袂裹箭創得君如敵國辟
易未易當中原干戈滿乘國藉棟梁誰專發蹤策坐待錐
脫囊事平各分功千級歎莫償位卑君勿言儒雅故自將
曾從獵籍中微見破敵草

讀試卷有感

巧言五一律紛然如鋸鋒揮筆餘萬言積案成千重誰令
繆悠子持衡居其中兩目病且昏不辨牛馬蹠而使視試
文豈能分雌雄往時心力彌眼明耳猶聰本欲藉科舉脫
此文字攻一朝反自縛身隨蠹書蟲負郭有田園猶存荒
菊叢頻年稅稻熟酒賤尊不空胡不駕柴車遠揖陶令風
作詩請伯氏林下相追從

次韻何任叟正字館中試茶

金柈猥稱檳榔珍藿食未辨汙吾脣茶丁炒寫犀鈎真排
方似欲騎華紳爲君走硯颺微塵羊腸聲乾行隻輪柘羅
栽絹素縷匀角絲巧織霜後筠中貯刀圭護百神乳花初
幻人間春計君別品尚絕倫完璧不受敵國嗔白虹夜氣

千秋叟把玩自覺舌生津天衢小草搜八垠
蒙山顧渚亦懷新香歇色壞非法身妖星森索避北辰
不須會粹權羣臣龍翔鳳翥登嚴宸向來策勲自有人君其問諸修水演

顧景蕃訪大年姪昆仲留宿細柳軒夜諭詩律輒及老朽大年作篇調景蕃末章見稱過實且欲盡借拙

詩因次其韻爲謝

平生不依南路徐斗升寄活真魚濡了知浮名誰得喪定自有數相乘除揭來雲外澗壑底槁項不減霜松臞里中能詩二三友安步過我毋庸重要須文字賞雖覽未暇誠謔翻媿問談天坐聽落錄肩蹇步那敢爭先驅顧侯風味更嚴苦家貧闢辦二非直通賜擇突五千卷底用自粹箋

蟲魚文如楚賓醉後藁下筆應得銀盆轉近聞畫犯細柳
壁酒闌罷歌却驪駒未妨仲子工料理珠琲錢歸懷不虛
惡當展緘疾讀時新飈策策驚蓬篠主人韻高絕少可客
亦未易折簡呼未章字字關老朽愛我如愛屋上烏吾家
兄弟俱人傑飽聞石氏多珊瑚莫云癡叔良不癡久諱筆
硯陪樵蘇諸郎胷中氣吐霧咳唾自可回春枯少年得譽
似劇勃他日不愧先楊盧儻見惡詩幸掩覆人所罵譏鬼
鄒渝

大年復用前韻賦詩見贈亦次韻答之

燭龍停邊天步徐酒薄肉乾唇不濡漫郎憐我困蒸溽爲
送古風專掃除山頭逢君日乍午作詩瘦似仙人臞展緘

初疑走甘露熟讀政似鏘鸞車世間癡兒浪搖吻談空說
有天一隅我今冥頑老不入十年此路空馳驅驅邇來病廢
關檠裏悶悶腹日厭葵菽菹窗間敗毫積霜筭架上蠹帙繫
書魚錢神無耳未易使斗宿不靈那可刺誰門有士料理
得隨地駢駢吾家駒三珠連樹價亡敵一鶻掣韁名不虛
近聞掃徑避袢暑竹枝青鞋一篷條枕中邯鄲夢不到戶
外孔賓渠自呼讀書瀾翻惜畫短幾欲挽斷三足烏鼎來
說詩劇有味令我坐享商之瑚斯文所善未中絕五字復
見李與蘇遺音當從牛鐸證廢律安取焦桐枯亦知大國
功九合一時盟會收微盧願持犧尾彊貂續未妨舉手遭

鄉渝

謝人送炭

竈煙茶毗霜後林短樣脫煙烏不黔樵童豈惜龜兩手入
市論價輕千金向來幾作溝中斷漫滅青黃誰過眼焉知
負荷鑪錘功熒燼猶堪借餘暖夜闌吼空風力豪平明雪
山平屋高生柴帶葉冷不燄毀車充薪車腳勞故人十縛
起衰朽生造寒灰撥紅獸解衣挾纊不足云那復區區論
炙手

悼次東提刑姪

彊學初無敵臨民早有聲暮年猶補郡餘事及談兵慷慨
聞高誼艱難見老成蓋棺今已矣百世漫空名

妙手刺百節劇談翻九河人皆期晚用君更患才多世路

方榛棘人豪正網羅重泉無日起天意定如何

次韻呂居仁主簿過韓存中侍郎所居

文章典雅如班固人物風流似謝安老去漫餘公論在退休潭覺壯心闌松窗有月和書照雲物無憊禦客寒冷淡且尋詩作話要看雷電勅僕官

送喻廸孺郎中知遂寧府

平時場屋漫聲名晚下瞿唐信此生萬里不應頻去國一塵聊復爲專城送春杯酒侵行色上峽山家慰客情坐遣官曹頓牛落說詩誰復似匡衡

咏曾徽吉端硯

吾家文房珍尤者一一數端溪從誰得不記歲月古中窪

削天成外整餘雷斧向來在葦中險作百辟補

吳則禮

則禮字子副富川人以父御史中復蔭入仕崇寧
中官至直秘閣知虢州晚居豫章號北湖居士有
北湖集

春事

春事豈堪論桃花遽如許薄暮短牆頭已作迴風舞翛然
斷絰過睡足南窗雨幽夢與誰言迢迢墮三楚

良辰

良辰入奇懷端欲挽我行幽花迎人笑欣然媚柴荆春醪
處處佳姑瀉濁與清好鳥何許來日暮獨一鳴江山雨新

洗坐使老眼明天公暗鴉鵠要作爛漫晴平生木上坐莫
逆惟有卿歸尋茅三間遙取鳥几憑長腰雪不如付茲腹
彭亨短蔬勝肥肉甘哉北湖羹一飽便可足此外豈所營
莫語兒子輩吾儕寧要名

寄歐陽元老

耿耿坐不寐浩歌睇流雲寒商動清夜落木何紛紛幽閨
納華月宴几停餘薰聊復飲蘭露無因持寄君

朱涇寺

冀馬日馳突無地制奔放來爭天東南東手莫與抗我航
指圓百去之迷所向十里望雲崖遠意局竄問尺五壯步
天丈六歡喜相更參船子師稽首問無恙平生客江湖半

世狎煙浪漁監選常登釣尹職不曠此手誤遮日久矣醫
塵妄願師賜金鏡試與開眼障

移菊

愛此秋氣涼捐書坐北戶黃花手自栽開花忽無數朔風
吹寒雲色映茅簷暮起立佇幽香泥衣有零露旋移霜中
花娛此羈旅人白髮圖一笑天公初不嗔平生飽參鼻宿
昔應供身老大無所著幽花如絕倫勝處那可已聊復連
意根灑彼汁津酒澆茲葵莧唇憑君辭好語與招江湖魂
端欲道逸想繩焉難具論

贈江器博

先生行年今七十植杖端如孤鶴立江天小雨作許奇洲

諸橫斜鴈行濕先生隸法老更精未要中郎作典刑筆含鍾鼎小篆意啟商要須斯與永先生宿昔愛琴音不愛越琴愛雷琴摩挲龜背蛇蚞紋太和欵識尤絕倫先生真已乘百事舊參堯典舜典字端有江湖著老儒笑大耳兒長結毬學書初不論永和書到石鼓才不磨不見吏部石鼓歌往載安得數駱馳

贈子發

金銅仙人辭漢歌近時作者嗟誰何王侯之種合魂讒君復歸高門塊磊著身邱壑謝幼興此事端憐卿輩無口譚名墮卿穿屐手捉毛錐家西壁平生三尺古錦囊掉頭不愛尚書郎他知得句要得眼肯道挽弓須挽強老夫天與

羈臣骨大笑癡兒曾咄咄折牀舊喜存烏皮渴金初欣識
黔突未辦澆渠酒一樽藜羹且可細論文政思擴說與豎
說莫廢本來微妙舌

次韻林初心先輩

太史滯周南醉儒去廣川功名欺白髮風雨送流年故國
悲歌裏滄州醉夢邊平生心似鐵相對肯淒然

登北樓

落景孤雲共清商戍角和蒼煙澹伊洛白露濕關河牧馬
隨鴻雁行人掣駱駝暮年餘習在猶欲聽邊歌

神堂道中聽後騎短笛妙甚而花柳已有思澗流澌
濺可喜

從來十八拍笛裏更清新著處是淺笑可人惟晚春未收
紅簌簌且揭碧鱗鱗小雨爲我止鶴鵠長自馴

不奈

不奈淮南熱遙知秋可憐烏皮垂老事白髮半生禪井水
從兒汲茶鎰且自煎何時決明好堂下晚花鮮

送公桓行

汾河水落雁南飛一馬蕭蕭木脫時蒼鬢寧堪異鄉別幽
人况有故園悲山頭日沒邊笳斷隴底驅鳴寒草裏千里
黃雲太行路自憐北望獨相思

送王詩客莊依湖外使者

問舍求田話昔時共憂南北未安枝青山笑我空成夢自

髮憐君苦作詩風月誰教太瀟灑功名自是小差池要須
附驥還金馬畫錦歸來亦未遲

送陳漕時權師還自靜州

漢節亭亭掩靄問邦人多看錦鵠還初傳使者驅干騎俄
見將軍定百蠻雲盡月光依組練雪消春信滿湖山佇聞
禁掖催頗牧玉陛歸親咫尺顏

寄魏道輔

漠漠長煙暝戌樓登臨永日強消憂殊方日落青山暮舊
國雲深碧樹秋向老江湖雙病眼此身天地一浮鷗高談
早晚對犀塵滾滾遙憐湘漢流

憶昨呈元老

憶昨參戎幕交情子獨真共爲關塞客各負水雲身跡遠
金闕籍衣沾玉壘塵雕鞍暮橫槊錦屋曉行春隱几軍書
斷登樓隴月新鳴笳孤障底落雁古河濱舊酒寒醅薄燕
姬翠黛噴沙場供寫睇戎角解傷神白首投南國青冥望
北宸山林方自屏雞黍復相親道舊嗟遊楚論文偉過秦
高標識麟鳳壯節見松筠陋巷無車轍扁舟有釣綸悲秋
把黃菊取酒墮烏巾藜藿良易足圖書端不貧一塵如可
借煩爲關荆榛

次公卷韻

故人已去逐飛蓬醉墨新辭手自封欲識暮年魂斷處從
今不忍聽霜鐘

絕句

滿船買了洞庭柑
雪色新裁白苧衫
喚得吳姬同一醉
春風相送過江南

李 懊

惄字去言建昌人常猶子

春晚

花瘦烟羸可奈何
不關渠事鳥聲和
無人掃地驚殘夢
分付輕紅上碧莎

李先輔

先輔廬陵人崇寧大觀間有詩名

題朱陵洞水簾

卷之二

宋八

一片挂蒼崖分明不惹埃塵成珠顆自垂下水簾來野燕飛難入山風卷不開聲聲去朝海無意戀巖隈

劉才邵

才邵字美中號櫛溪居士廬陵人大觀二年上舍釋褐宣和初中宏詞科紹興中官工部侍郎權吏部尚書時秦檜方用事雍容遜避以保名節丐歸奉祠卒於家贈顯謨閣直學士有櫛溪居士集

次韻劉克強寄劉齊莊并見寄

吾宗富清製學海無濱渭洪濤駕三山逸興不可羈抱此未護駢造化真小兒通來二十年姦諛取世資最為志氣滿鬢翻成固宜皎皎空谷姿誰復誅來思上天旣悔禍威

命方廸馳遠裔復千紀尤塗動嘻嘻我生落世紛雋響憂
與疑敵帳如鬼國漂墮驚渺渺蒼蒼安可問泯然空自知
脫身垂涎口生死爭一釐事機如電轉由來難逆推況當
艱危際志願常參差小已安足念身世久已遺但有區區
心痛憤難伸眉知公愛我厚怪我色不移新詩沃頑襟勝
彼白玉卮天葩輕組繡清芬吐鮮奇復如遊元園紫鸞雜
文鶴雲煙忽中斷宛虹露長簪驚歎方未已復歌清遠詞
南溟雄絕境句中得潛窺想當白日晝微風皴琉璃寫作
冶然音聽者自忘疲顧我才學短頗似臨江麋居然羨兩
驥蹇步何由追因念玉川子茅屋無藩籬搜腸五千卷不
救寒與飢弄筆頗驚衆取謗祇自疾閉門烹月團籠頭帽

斜欹險語已絕俗憂世良可師公詩足高韻千載若同時
思得素濤既一洗中腸悲飄然遊八極遊琢娥與羲封題
幸早寄佇看清風隨蓬萊見羣仙爲誦玉川詩羣仙司下
土聞此應恆昵那須問人世徐徐說津涯上言天子聖盛
德方應期下言蒼生苦梗莽須平治他官地位多主者當
爲誰願速掃豪蹕不復煩靈旗神京朝萬國復見漢官儀
歸來頌中興當才勿吾欺

次韻周秀寃贈王自然

隱者逃世網遂欲安一技不能負猿鶴山林無返時吾人
當道義詞華振芳蕤共疑斂邇步不顧黃金繩然於論議
間憂國不顧私豈從隱者徒耦耕抽棘茨願難同翠碎輕

屈邇往姿何當副仄席執轎上玉墀一薦危苦語自結明
主知良藥起民瘼神膏除國疵不同鄭子真虛名動京師

遊天竺靈隱寺詩

清晨出城西車馬紛颯沓行行巖壑深漠漠霧雨雜雲陰
忽披豁海色共蕭颺幽尋浩莫窮空響時相答地籟笙竽
真林纏丹青合潦收猿狖向空啄殿腳依山插空翠撲軒窗乳洞蔽閨闥泄雲無定姿欹石半
柏磕珠燈吐光焰香龍振鱗甲啼烟禽念佛掇蘂蜂供蠟
丹砂漲靈泉嵒松披艾衲蘿徑勞躋攀風扉自開閨龍天
想奔奏飛走亦馴狎同遊今淵雲馳聲久韁轄逸驥誰能
追流風不受閑家山富岷峨水驛經夔峽不應得未曾猶

若濟所乏欲去還停駕就石屢移榻共笑香積供未脫腐
儒羈重來當一洗尋盟忽忘歎

湘夫人歌

湘山影落重湖中中有蘭閣臨珠宮霞衣蔚佩雜香風蓮
旗閃閃拖晴虹朱絃嫋怨指法鬆綠煙洗盡山重重湘雲
遠與蒼梧通騰空宛轉如遊龍雲中弟子謁重瞳寶車倏
忽穿遙空

相思曲

長相思懷百憂誰憐方寸間常貯一掬愁年華
君何心兮長遠遊菱花燭燭垂鸞纓懶學蘋漪匀膩弄鳳
吹涼簷影蕭蕭一抹疎雲對斜月紅樓渺檻凌高寒秋色

滿空風更酸。問征鴻兮倩爾傳素書。歲將闌兮君早還。何時失喜聽嘶馬。相迎小立珠簾下。

清夜曲

紅藍衫薄香玉春翠鬟鬟盤鬆雲門前溪水空粼粼鯉素不傳嬌翠翬窗紗濾月寒光薄冉冉暮愁無處著龜屏掩恨玉痕垂井桐葉墮青鸞啼

遊風穴

清曉意不愜。驅車向城東。行行歷谿谷。遂到青蓮宮。古塔跨虛碧。長橋臥晴虹。水落見谿骨。雲開露秋容。疎竹搖晚翠。寒花綴幽叢。訪古但邱壑。令人氣填胸。登覽未覺久。山遮半輪紅。白煙生汝水。橫空正濛濛。緬懷道化盛。山高水

無窮坐令千萬世矯首希高蹤浙江黃面子應誠開禪宗
妙哉鐵牛機誰敢當其鋒杖林山下竹依舊金沙灘頭人
已空可憐高坐寂寥久蕭蕭古木號悲風

夜夢一道人見訪相與語甚久頗及宗乘中事因戲
之曰仙家亦學佛耶其人笑曰仙佛豈有二哉覺而
異之作詩紀其事

北風吹雲肅天宇蕙帳寒生月當戶頽然就枕睡思濃
魂悠悠迷處所仙宮勝士肯見臨促席從容陪軟語自言
本事清虛君學佛求仙兩無閒雲輶白日降遙空天衣飄
飄袖輕舉方諸宮深雲海闊金碧禪房隔烟雨與君粗有
香火緣聊復東來相勞苦方蓬崑崙還無期君住世間須

善爲塵勞足厭不須厭等是實相夫何疑前身自是塵外人端爲世緣縻此身重聞妙語發深省若更離塵佛亦塵方平羽節何時來道宮佛廟隨烟埃未須苦說揚塵事東海波聲正似雷

霽虹亭

江流滾滾青於藍山如陣馬方趨趨景趣雖從開闢有登覽正賴人謀參濟川亭古傷險狹石岸缺落呈欵嵌可憐眼界方冗雜風月爲之久不堪使君才高蘊機鑒妙思能發神所緘異時一見已經意施設先後難相攬政成將去覲丹闕一新棟宇何耽耽就增亭閣跨空闊徑從人境超塵凡波光挾日動飛拱簷影窺江陵過帆櫓危更覺明月

近浪湧正值秋風酣螺峰晚鶴助遙碧鷺渚歸翼穿晴嵐
東望青原森欲動祖意豈復勞窮探夜深定有水仙集覽
裳練悅垂蕤蕤雲烟態度日夕異詞客賦詠勢彫劉公歸
指日登華要雍容鳴玉橫犀鑾湖山高會駐清賞尚應何
首江之南

貢士張智觀登禾山白雲峰絕頂愛其清曠乃結庵
辟穀凡十年後遂落髮法名永元紹興三年夏訪予
於城中具道所以出家及携詩東遊之意因作是詩
以餞

白雲山人機鑒高了見萬法樓秋毫迴腸蟬腹耐清苦空
山坐聽颸颸號無心索價驚衆耳尚恐名出終姑連一朝

解去薜蘿服鬻剔須髮披方袍黃龍宗旨人難奏涓滴不容消息漏一到禾山謁老方全機不露三關透城中軍馬正紛紛紅塵漲空日色瘦問師觸熱有底忙云向疎山艸宿隔蒐奇獵怪窮端倪詩膽大於身數圍勿憂平淡少人愛此去定逢韓退之年來世味種種薄文字習氣黏如綉自信文通才未盡猶堪重擬碧雲詩

靈壁石

堅脆殊形俱是幻要當盡付空花觀其餘空色兩非真習氣從他不須斷靈壁磬材如黑玉歲久取多岸爲谷問君何從得堅質數尺嶽巒心賞足新詩俊如霜鶻拳攬取物象神機圓援毫一揮不停手巖壑意態何森然如聞駛舟

行日近不得隨舟無少恨夜敲清響哦新詩定有水仙簾
外聽

次韻送盧汝舟

秋鴻社燕若爲情岐路東西亦可驚人夜朔風搖畫角滿
空星斗罩高城吳江浪闊兼天湧楚塞山長盡日橫記取
別筵看劍處怕聽庭樹曉雞聲

詠竹

護惜龍孫意正勤風漪誰愛織成紋林中莫著山王輦擬
向他時詠五君

映日梅

冰肌耐寒本神人肯與寒光便淺顰應笑海棠無道骨睡

紅快翠不禁春

鄭建古

建古貴溪人大觀三年進士

對菊懷陸子靜

落落蘿城二老翁白鬚遙映菊英中交成晚節人彌淡吟
到寒花句亦工灌漑已欣分綺色扶持還藉挹芳叢吾徒
素愛凌霜質相對應知臭味同

晏敦復

敦復字景初新喻人殊曾孫大觀三年進士高宗
朝累官權吏部尚書兼江淮等路經制使以寶文
閣學士出知衢州提舉亳州明道宮封臨淄侯卒

題梵隱院方丈梅

亞櫛傾簷一古梅幾番有意喚春回吹香自許仙人下照影還容高士來月射寒光侵磽戶風搖翠色鎖階苔遊蝶野鶴休相顧本性由來不染埃

張叔夜

叔夜字嵇仲永豐人大觀三年以開封少尹試制誥賜進士官至僉書樞密院提舉南道兵金師再至從欽宗至白溝河扼吭而卒贈開府儀同三司謚忠文賜廟曰旌忠按宋史本傳叔夜開封人明一統志宋名臣言行錄皆以爲永豐人攷朱子旌忠憲節廟碑曰其祠墓在永豐縣鷺山可據蓋叔夜爲張耆曾孫耆次子利一知信州軍遂家永豐也

寄題靖安呂廷平釣亭

豫章富人物歷數煩僕指先生釣璜孫盛德邈相仰邦顧徐洪輩瑣瑣詎足紀修竹照清漪邂逅聊復爾吾君邁周文未省獵渭水矧此江之湄相距數千里會遇倘有時必爲蒼生起

趙士仍一作祿

士祿字誠甫鉛山人宋宗室勤學篤行大觀間鎖試第一歷官通判臨安提舉淮東有治聲紹興末爲宗官卒謚文安

贈申孝子

鉛山乃靈山號爲七寶庫有時地愛寶人傑時一付禮闈

江正書行
較文章發爲性仁賦盛美固不絕且作忠孝路時凶盜賊多熾焰不容捕長驅斬關來捉揮遠相訴申生本醫家首衝衆賊怒有子趨而前悲泣溼衣褲願代父之死三刀色不怖賊曰汝子孝解衣襯血汙以此兩全生父子歡如故何不上明君表旌當金鑄

韓駒

駒字子姦陵陽人政和初以獻頌補將仕郎召試舍人院賜進士出身除秘省正字坐蘇氏黨出知州縣尋復召爲著作郎撰樂章兼修國史權直學士院高宗初知江州致仕寓居臨川卒

陽羨葛亞卿爲海陵尉作葺春軒余爲賦之

昔聞先生隱吳儂，當窗十里橫烟峰。
今見先生爲楚吏，繞牆四面縈烟水。
從來楚俗帶吳風，曲折徑路深房櫳。
舍前繁船柳千丈，舍後參天竹萬叢。
牙籤插架似蓬館，白拂挂壁如僧宮。
掃地焚香欣客至，羹魚飯稻愁樽空。
不淵不清惟寂寞，大笑先生致身錯。
青山猶作布衣心，朱門却有田居樂。
筆回造化天工怒，胸包今古時人愕。
甘窮自許元次山，踏海還尋魯仲連。
吾曹一歡豈易得，世間百歲俱可憐。
何用北窗翻巧策，且向東亭弄春色。
我當酌酒壽主人，灘前飛下雙鸞鶴。

梅花絕句

雲根細路遶溪斜，日出烟銷水見沙。
只度關山魂已斷，可

須疎雨濕梅花

卽席送呂居仁

一樽相屬兩華顛落日臨分更泣然蹀躞鳴珂君得路伶
俜散策我歸田近聞南國生涯盡厭兒西江殺氣纏欲罷
扁舟吳越去看山看水樂餘年

答蔡伯世食筍

專采化鹽豉槐葉資新麵壹知苦竹萌風味常獨擅昔我
居錦城屢喫田家飯扶杖自入筍林此犧角蘭後參鶴林
禪餽我桑門饌蒸蒸沸鼎中亂下白玉片惟無它物乘始
覺真味現三年客東都錦籜寧復見千金洛陽來惟充大
臣膳前時過君食欣逢故人而那知列仙臞已雜蒯通雋

吾寧飽甘肥憤叱那忍嚙請歸謂主孟厨人後當諫苦苣
雜嘉蔬沈香和甲煎柯亭旣誤椽畫鄣或遭練古來可歎
事千載寄明辨作詩弔舞龍助子當食歎

謝錢珣仲惠高麗墨

王卿贈我三韓紙自若截肪光煥几錢俟繼贈朝鮮墨黑
如點漆光如水舊傳績溪多老松奚起旣死松亦空易水
良工近名世珍才始不歸潘翁蕭然南堂一居士赤管隃
麋無月賜借問元圭何自來去年海中持節使明窗晏坐
不怠怠引紙磨墨寒生風自笑平生繪蛇蚓更慚爾雅注
魚蟲殷勤二物從來遠裨海環瀛眼中見若欲揮寫藏名
山不如邦作談天衍

分寧大竹取爲酒樽短脰寬大腹可容二升而漆其
外戲爲短歌

此君少日青而臞爾來黑肥如瓠壺縮肩短帽壓兩耳無
乃戲學騶侏儒人言腹大中何有不獨容君更容酒未須
常要託後車滑稽且作先生友少陵匏樽安在哉次山石
臼空飛埃茅簷對客夜驚笑麴生叩門何自來老向人間
不稱意但覺淵明酒多味乞取田家老瓦盆伴我年年竹
根醉

順老寄菜花乾戲作長句

道人禪餘自鉢菜小摘黃花日中曬峩帽懷脯久不來
麌萬絲典刑在封廻寄我紙作囊中有巴蜀齊厨香起炊

晚餽八月白配此春盤一掬黃

標軟木耳八
月白稻名也

次韻兼簡李道夫

夢秋宜晚起況復雨頻頻桃竹猶能杖柴車未可呻吟分
酒賢聖靜記藥君臣會有騎鯨李來陪賀季真

次韻參寥

此身不擬墮塵緣長恐驚鴻落響弦蹣跚世間千澗壑歸
來暫次一山川深宮木末猶秋色故國天涯只暮烟憑仗
道人分石甃要看庭下玉龍旋

夜泊寧陵

汴水日馳三百里扁舟東下便開帆且辭杞國風微北夜
泊寧陵月正南老樹挾霜鳴翠翠寒花垂露落穆穆茫然

不悟身何處水色天光共蔚藍

撫州邂逅彥正提刑道舊感歎

憶在昭文並直廬與君三歲侍皇居花開轢路春迎駕日
轉蓬山曉曝書學士南來尚畠穴神州北望已邱墟愁逢
符節滄江上握手秋風淚滿裾

六月二十一日子文待制見訪熱甚追記館中納涼
故事漫成一首

鳳閣西頭千步廊與君長夏對胡牀陰陰檜色連宮草寂
寂棋聲渡苑牆細雨分茶敘簾冷明珠擘芡小荷香身今
老病投炎瘴最憶冰盤貯蔗漿

頃年侍立集英殿見周表卿唱名第二客居臨川表

卿爲宜黃丞歲滿訪別作詩送之

往時東帶侍明光曾看揮毫點御牀只道驛騎已騰踏不
知鵝鸞尚摧藏官居四合峰巒雨驛路千林橘柚霜莫爲
艱難歸故里漢庭今重印科郎

爲亞卿作

君住江濱起畫樓妾居海角送潮頭潮中有妾相思淚流
到樓前更不流

淮上書事

平楚盡積水長淮多奇峰蕭條月曜夜浩蕩風鳴冬客行
未可歸攀裴那得重寒氣搜病骨清潭貌衰容遠遊有滯
念將老無憚悰故國渺萬里去此嗟誰從

入鳴水洞循源至山上

崇山蓄靈泉萬古去不息瀦爲百斛深散入千渠溢其東
澗民田又北尋山腋斷崖如破瓜飛瀑中蕩激大聲或雷
霆細者亦竽瑟末流逈半山十里見沸白得非拖天紳常
恐淨地脈呂梁丈人老尚與汨偕出我欲蹴驚湍下窮艱
崿石情哉意徒然屬此歲凜凜安得汝南周斷取白蛟脊
歸之龍泉峰山門夜喧席

飲酒次人韻

淺瀨見魚遊澄潭知鶴沒疑乘青霞珮徑墮白銀闕平生
探學海中年悟禪悅應須臨渺瀰庶以稱超越回塘大圓
鏡新蒲細於髮綠扇互低昂玉顏爭秀發良辰宴觴豆炎

職脫巾被荷聲過急雨竹影敷涼月漫行蹠芳草移坐蔭深樾何當酒拍浮恣聽舟搖兀而我方抱鉛上馬自腰笏叩門不聞呼造席無乃咄詎敢陵崆峒幸許窺剗願公開迷雲令我入理窟雄篇出月脇妙思露天骨蹇步那由追胥非媿先竭

武寧道中

小灘嘈嘈大灘惡朝行羊腸暮鹿角盡目拖舟不得前忽然笪斷千尋落上梁左側石子多兩船與石鳴相摩臥聽溪師倚篙哭將如四十二灘何羊腸鹿角上梁皆灘名

夜與疎山清公對語因設果供戲成長句

落葉層窣鳴風廊四無人聲夜未央道人過我談真常客

舍有底相迎將竹鑪篝火曲木牀烏相爲燭楓脂香青梨
纍纍自坐光黃甘十子近著霜醯梅蜜杏經年藏紅糝綈
枝加柘漿尊藕蕩芋羹荷蘋堆盤滿案次第嘗憶初見翁
修水旁轉頭八十鬚眉蒼蔚時尊宿略喪亡屹如櫛檜老
不僵而我昔漫參朝行十年投閑坐老狂人生一夢炊黃
粱諸法本閒人自忙況今世故甚擾攘與翁幸憇苦撻坊
夜闌一酌餘甘湯它年此樂不可忘

泰興道中

縣郭連青竹人家蔽綠蘿地偏春事少山迴夕陽多暗木
披崖出輕船掠岸過傳呼綑扶杖吾老怯風波

次韻何文鎮舍人後省致齋

夜直沉沉浴殿南春風想對百花潭藤牀轉枕尋餘夢粉
壁題詩倚半酣追記舊游時一笑歡參真理莫多談白頭
初試絲綸毛歸去扶犁意亦甘

次韻侯思孺將至黃州見簡

未用船頭報水程爲君持酒打愁城青山久負當年約白
髮多從客路生點檢轉工新句法揩磨難減舊風情小留
莫道無供給一味東籬有落英

謝人送鳳團及建茶

白髮前朝舊史官風鱸煮茗幕江寒蒼龍不復從天下拭
淚看君小鳳團

送張右丞司赴召

江西詩稿 卷之二
老夫冥坐臨川寺五見君爲萬里行病馬不辭遭掣頸雲
鵬那復計期程遙知此去常乖隔莫惜書來訪死生早與
朝廷定巴蜀故山遲暮欲歸耕

辛次膺

次膺字起季萊州人政和二年進士南渡寓家浮
梁孝宗朝累官同知樞密院事資政殿學士提舉

洞霄宮

題使宅眉壽堂

多病相如欲倦遊四年紓緩到三州君恩乞與歸嚴整何

宣將軍得罷休

余安行

安行孚勉仲德興人累舉不第以經學稱有石月
老人集

龍游舟中遇立冬

大觀戊子同應求至京口予赴試南京

挂帆朝發龍游浦天寒正下瀟瀟雨聞說人間今已冬漣
檣處處歡相語我今與汝共孤舟寂寞舟中任水流人生
自適乃爲樂莫把閒腸生寸愁

江西詩徵卷十二